

Sakspapir

Saksbehandler	Arkiv	ArkivsakID
Ove Sæbø	FE-223, FA-U01	20/91

Saksnr	Utvalg	Type	Dato
055/2020	Kommunestyret	PS	10.12.2020

Forlenging av ekstraordinær bruk av næringsfondet i samband med koronakrisa

Forslag til vedtak:

Modalen kommune forlenger perioden med ekstraordinær bruk av næringsfondet i samband med koronakrisa fram t.o.m. 30.06.21.

Øvrige delar av vedtaket fatta i kommunestyret i sak 012/2020 16.04.20 vert vidareført i perioden.

Saksopplysningar:

Modalen kommune vedtok i april 2020 ekstraordinær bruk av næringsfondet i samband med koronakrisa. Det vart vedteke føremål og kriteriar for løyving av stønad.

I samband med koronakrisa som framleis rammar mange private næringsaktørar vil Modalen kommune søkje å halde fram med å støtte verksemdene som held til i kommunen fram til sommaren 2021.

Ulike verksemdar vil bli ramma ulikt, og vil med det kunne ha behov for ulik stønad. Det har vorte lansert, og det vil kunne bli lansert ytterlegare nasjonale økonomiske hjelpetiltak. Desse vil ikkje kunne ivareta alle. Det er i krisetider naudsynt å nytte ressursar best mogleg for å normalisere høva for flest mogleg som vert råka. Å sikre verksemdar mot t.d. konkurs er viktig for kommunen. Kommunen sitt næringsfond bør difor bli nytta til å gje verksemdar kritisk stønad til å komme seg gjennom krisetida. Modalen kommune vil gjere ei prioriterting av søknadar i tråd med vedtak 16.04.20.

I første omgang vart denne ordninga etablert til å gjelde ut 2020. Utover hausten 2020 har det vist seg at koronakrisa rammar framleis, og vil sannsynlegvis også vere med oss inn i 2021.

Vurdering

Rådmannen si vurdering er at næringsfondet i utgangspunktet er for å sikre vekst og utvikling av

næring i Modalen. I samband med koronasituasjonen som har ramma verda vert føremålet oppretthalde ved at ein tilbyr stønad når krisa påverkar lokalt. Det kan i somme tilfelle komme fleire søknadar frå same verksemd ettersom krisa/situasjonen utviklar seg. Det må det vere rom for. Ordninga det no vert lagt opp til er i tillegg til vedtekter for næringsfondet, men i ein utvida periode fram t.o.m. 30.06.21.

Konklusjon

Rådmannen sin konklusjon er at det vert vedtake forlenging av ekstraordinær ordning vedteke i kommunestyret 16.04.20 fram t.o.m. 30.06.21 kor næringsfondet innanfor vedteken budsjetttramme og innanfor gjevne kriteriar vert nytta til å gje tilskot/lån til verksemdar i Modalen som har blitt økonomisk ramma.

Kommunestyret - 055/2020

KS - behandling:

Ordføraren gav ei kort orientering.

Anne-Britt Almelid etterspurde om underforbruk på t.d. kultur kan nyttast då det har vore redusert aktivitet på feltet. Rådmannen viste til at næringsfondet er fondsmidlar, medan kulturbudsjettet går av det ordinære driftsbudsjettet. I tertialrapporteringa vart det meldt om overforbruk innanfor t.d. pleie og omsorg - noko som har ført til budsjettjustering.

Sigrunn Birkeland spurde om kor mykje som er tenkt nytta av næringsfondet. Rådmannen viste til at budsjettvedtak for 2020 ligg til grunn.

Linda Neset meinte om at ordninga burde vidareførast.

Håvard Engeseth meinte og at ein burde støtte, men ha ei kritisk tilnærming.

Ass. rådmann viste til at det i tillegg er lyst ut næringsfondsmidlar som er motteke frå fylkeskommunen.

Samrøytes vedteke

KS - vedtak:

Modalen kommune forlenger perioden med ekstraordinær bruk av næringsfondet i samband med koronakrisa fram t.o.m. 30.06.21.

Øvrige delar av vedtaket fatta i kommunestyret i sak 012/2020 16.04.20 vert vidareført i perioden.